



Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1656

§. 212. Simonem Cyrenæum venientem de villa patrem Alexandri & Ruß.
v. 21.

urn:nbn:de:hbz:466:1-45533

mari aut pulvifcularent in montibus vallisque, possentq; singulæ quæ
que particulæ sine cessatione tanta cum gratitudine te laudare, tam ob-
temperanter obsequi ac famulati, tam simpliciter obedire, tam digne re-
nerari accolere, quam purè diligunt te sancti, nihil adhuc agereim.

§. 211. Et angariauerunt prætereuntein quendam. v.21.

Quis mihi dicet, quæ, quanta & qualia acciderint in illa via ? S.
Scriptor, magna insinuat, cum illis omissis dicit, ipsas bestias miseras fuisse
Dominis sic procedentis, ad Bellum contra Infernum & omnes pompas
eius, nam angariauerunt hominem prætereuntein, ut crucem Iesu porta-
ret. Hinc magnam intelligo miseriā, ubi talis affulget misericordia, si-
mē hæc ipsa misericordia non sit nota molitus crudelitatis, non in lubi-
tationem, sed ut citius venirent ad locum Crucifixionis, ne & forte Pilatus
reueocaret sententiam. Certe valde attentum oportet esse, qui corda Ho-
minum vult penetrare, eadem enim opera agit unus, & peccat, & alter, qui
metetur; orat Phariseus & iurat damnationem, orat Publicanus & in-
stificatur. Misericordiam præstat Iudeus crucifigendo Domino, dum an-
gariat Simonem, & peccat dupliciter, misericordiam exhibet S. Veronica,
& consequitur gratiam.

D Omine Iesu Christe, fidelis humanæ salutis amator, qui uniuersa
mundi peccata super humeros tuos in Cruce portasti: fac nos, per
hanc tuam infinitam charitatem & patientiam in tribulacione constantes,
ut tanquam veri crucis amatores, in hoc signo vincamus, Amen.

§. 212. Simonem Cyreneum venientem de villa patrem Alexandri
& Rufi. v.21.

Mihi multa in hoc Simone angariato occurrunt, quæ delectant &
quæ terrent. 1. quod non est ullus, qui Domino sponte velit obsequium
deserre. 2. quod ad eius obsequium homo anguriandus est. 3. quod ad
hoc opus angariatur præ alijs veniens è villa. 4. quod homo agrestis seu
rusticanus, seu Colonus, & talia multa consideranda mente meam fe-
riunt, inter quæ & illud est quod iste homo fuerit & dicatur Pater Alexan-
dri & Rufi, & quod dicat Cyrenæus, ex quibus illud in genere consequor,
vere dictum esse, quod gloria magna sit sequi Dominum. Ecce Simon ille
angariatus ad portandam Crucem post Iesum, statim honoratur, & in to-
to mundo eius nomen, & patria, & officium & filij prædicantur.

O Diuinam bonitatem, quæ consueta opera sapientie tua referant
quando de malitia sapientiam, de nocendi proposito benefaciendi
affluen-

affluentiam, de malo bonum, de peccatorum tenebris miserationis fecisti splendore lucem, atque de ip'a Crucis angaria spirituale contulisti Sacramentum. Quid igitur hoc Sacramento significasti? Sanctam nece- sitatem meliorem esse malitiosa libertate. Tu namque nos cogis ut volun- tarios facias & necessitatem in virtutem commutas. Noli igitur Domine intueri meam magnam imperfectionem, sed tuam immensam bonitatem ac sapientiam: nec agas tecum pro desiderio meo carnali, verum pro tua sanctissima voluntate & animæ meæ salute. Tu namque melius nosti quam ego ipsem, quid mihi expedit. Si igitur per te dolorum non liben- ter patiar secundum sensualitatem, non hoc cures: sed semper diuina fiat voluntas ad gloriam nominis tui summam, & animæ meæ salutem, siue gratum siue ingratum carni meæ fuerit. Sed & amantissime Domine ac Pater, da mihi cum tempore illam sapientiam & fortitudinem, ut me ipsum vincens, in omni tribulatione tuam sanctissimam voluntatem cognoscam, donec extra me ipsum me recipiens ad tuam sanctam unionem perueniam quo in omnibus tam aduersis quam prosperis, tam in dulcibus, quam a- maritis, tam in tribulatione, quam in pugna, tecum unum efficiar, & post hanc vitam locum habeam ubi tu es omnia in omnibus & absterges om- nem lacrimam ab oculis nostris, quo omnium malorum praeteritorum ob- liti, tecum tranquillitatem & pacem habeamus in perpetuum. Amen.

§. 213. Ut tolleret crucem eius. v. 21.

Cum viderent Iudei & Carnifices Christum sub mole crucis non posse subsistere, sed supprimi, vulneribus lacerum, à planta pedis usque ad verticem capitis, & ingentem crucis trabem grandem in eo facere exani- mationē, & vulnera cum vulneribus confundere, aliquid non tam solatij, sed incrementi ad prolixiores dolores tolerandos obtulerunt, nempe ba- iulum crucis, quem sic intelligere possumus tulisse crucem Iesu, ut solus portaret, præcedente, vel protracto Domino ante eum, vel ut partem po- steriorem portaret, priorem vero Dominus, utique consideratio habet suos defensores & patronos. Ego eam præfero sententiam quæ cogitat Dominum sub parte crucis mansisse, ne probrum afferam Domino, cru- cis suæ in aliud remissem. Et quamuis eo pacto, parum solatij Domino vi- detur allatum mysteriū tamen multum afferatur nobis, ut sciamus nos non nostra virtute sed Christi portare adiutorio & quidem uti præcipuo. Quid- quid vero illud fuerit solatij secundum corpus, multo illud plus lancingauit Domini piissimam mentem, cum vidit aliquem sua causa grauari. Solet hoc ingenuos animos valde excruciare.

T 3

Veni-

